



14086


III Mag. St. Dr.

P

Anna Aloysia

sem Gratias parentales pa-
renti optimas ac fundatrici suae
beneficentissimae

PANEG. et VITAE
Polon. Fol.
AE 130.



GRATIÆ
PARENTALES,
PARENTI OPTIMÆ,


AC
FVNDATRICI SVÆ
BENEFICENTISSIMÆ,

ANNÆ ALOYSIÆ,
DVCISSÆ IN OSTROG
CHODKIEVICIÆ,
PALATINÆ VILNENSI,

Inter lugubres Exequiarum
Cærimonias

PERSOLVTÆ
AD DOLENTE GRATÆQUE
SOCIETATE IESV.


Anno, semel mortalis DEI, M. DC. LIV.
xiiij. Kalend. Nouemb.



CRACOVIAE,

In Officina Vidue & Heredum Francisci Cesarij, S. R. M. Tpo.

Anno Domini, 1654.




Nūnquam Magnis Mentibus cara
in corpore mora est. Eripit se au-
fertque ex oculis perfecta virtus.

Seneca ad Martiam.

Nihil laudabilius Fæminis, quàm si
Verum Honorem, non in splen-
dore Titulorum, sed in iudicijs
Hominum reponant.

Plin. Traiani Paneg.





Æternos quisquis Titulos & grandia, veræ
Nomina laudis amas, illibatosq; supremis
Funeribus proferre dies, post fata rogosq;
Viuerè, nec feræ tandem succumbere morti;
Huc ades, & pulchro spirantia pectora voto,
Non super ætherei calurâ mole Colossi
Nixa tene, veterisq; super miracula Memphîs;
Perge sed intrepidus: quò letho imperuia Virtus
Nobile monstrat iter; per quæ vestigia ducit

Immortalis Honos,

ET

POSTHVMA GLORIA

ANNÆ ALOYSIÆ

CHODKIEVICIÆ,

PALATINÆ VILNENSIS,

Ducissæ in Ostrog.

Fundatricis Collegii Ostrogienfis

Societatis IESV.



Rgò vel hodiernam demum sustine laudationem, ingentes olim merita, nullas audire passa Panegyres, Heroinarum Maxima ANNA ALOYSIA: hodie tandem illa mortuam Te assequatur Gloria; quam, cum nihil non gloriosum faceres, vnam in vita fugiebas. discat ex Te Orbis veræ laudis tramitem, quæ rectissimis semper itineribus ad immortalitatem contendisti. Pallet quidem nunc etiam, credo, ad ipsum Gloriæ nomen, rubere olim assueta Modestia Tua; sed hîc deniq; summa mereris Elogia, vbi pro vniuersis Tuis meritis, vnicum poscis silentium. Eorû duntaxat funeribus tacendi relinque inferias: quibus, ad dicendi materiam, satis est vix nomina reliquisse; nesciunt miseri, ita demum se inglorios apparere, si hoc vno laudari stylo debeant, quo cuncti possunt. At verò in deuota Tibi pagina, Tuo sub titulo, nemo suas virtutes expectauerit, Princeps inclyta; nam à solitis cæterorum præconijs, ipsa Te gloriosè factorum longè discreuit insolentia. Vnde verò dignius laudes istas ordiar, quàm vbi Tu illis dignissima esse incepisti? Primam sibi meritò poscit memoriam tempus illud; quando, affectu in superos, quàm recentibus tunc annis tenerior, æternæ Te primùm consecraueras recordationi. E

Ont, vt libet, alij, plurima politioris doctrinæ volumina; hoc vno diuturnæ indagati-
onis pretio, si, quâ suum morti nomen eximant, inuenire possint rationem. Tibi, Principum solertissima, satis ad hoc fuerat, in depicta diuinissimi Herois IGNATII manu, Sacrum semel codicem aspexisse. vbi, dum publicam Societatis IESV legis tesseram: momento propè didicisti: Magnos etiam Duces tunc demum maxima merituros nomina, si AD MA-

IOREM DEI GLORIAM militauerint. Hic ille vocalior Tacito liber, generoso te isto animauit spiritu, quo secuturæ semper victura es posteritati. hæc illa dextera, infinitis Tuis virtutibus, primum dedit initium. hic deniq; fortunatus ignis, eam heroicæ Tuæ indolis mentem accenderat: quâ solam hanc immortalis Gloriæ viam elegisti: vt Maximum illud Optimumq; Numen, quam maximè redderes gloriosum. O diem illum verè beatum! diem longè serenissimum! qui tam diuino Tibi illuxit lumine, vt inter tot Illustrissimos Orbis splendores, quæ tandem vera esset Gloria, ex vero cognosceres. Legitis hæc, non occasuris intenta sæculis, terræ lumina? heu, quantum inanes cæco passu captatis vmbras, si alius vos, ad optatam non morituri nominis famam, trames ducit! Et erecta posterorum admirationi proxima cælo fastigia, in ferale punctum desinunt; & inscripta sepulchrali saxo nomina, ipsis calcantium pedibus exterruntur; & duraturis, scilicet, voluminibus impressi honores, leuissimis erasi erosiq; tineis, euanescent! vnus ille, à perenni situ & obliuione, veram vindicabit Gloriam, qui Diuinam. Hoc nouerat, hoc secuta est, vniuersi orbis notitiam ac imitationem merita ALOYSIA, ad hanc, dies noctesq;, descendit cogitationem, quâ conceptum Diuini Honoris studium, in sublimiora semper ascenderet incrementa. Et sanè, illa nunc sanctissimæ deliberationi occurrit conclusio: vt orbe procul hominumq; oculis remota, Illustrissimos natales, inclytæ Matris desideria, spes & vota vniuersorum, religioso conderet in secreto. sed ampliori Te serua theatro, ingentis Gloriæ scenam actura Princeps, gratissimum astris odorem spiraturre Flos, pro vnus sacratioris septi angustijs, totius Poloniae campum expecta, tenuiū ea siderum est necessitas,

fitas, tenebrarum vti præsidio ne pereant; Illustrissimæ Lunæ Tuæ splendor, luculentius in sole publico elucescet: imò, quidquid orbe minus est, virtutis Tuæ magnitudini paruum erit. Continuat tamen propositi sanctioris constantiam ALOYSIA, & repugnantis parentis imperio, machinas admouet lacrymarum, expugnatura utiq; nisi, piissimæ quondam Virginis Barbaræ Langiæ maior humano spiritus, ad ferendum Matris arbitrium, filiam coegisset. hoc insuper cælis iubentibus addito omine, ut à nutu materno gloriosissimi desiderij metam expectaret. Nimirum, illi Te iam loco destinabant superi, Illustrissima Fæminarum: vbi miserorum æstibus, umbram; lugentium nubibus, serenum; vniuersorum oculis, probatissimum exhiberes exemplar. ita demùm superis auctura Gloriam, si calamitosas incommoda, ignorantibus tenebras minuisses. Cessisti igitur Princeps Illustrissima, & vatis Tuæ oraculo, & Matris voto, grande utiq; pietatis ac obsequij experta præmium; cum breui post, ab charissima Parentis manu, ad conubialis vitæ fœdera, nonnisi Heroum gloriosissimo concessisti. CAROLVM loquor CHODKIEVICIUM, Magnum illud Polonæ Gloriæ incrementum, & Turcicis Sueticisq; auribus formidandum Nomen.

Sarbieu.
Epig. 79.

*Qui Asiæ populos, & flaua Propontidos arma
Strauit. --*

Cuius immortalia in Patriam merita non domesticæ solum laureæ, sed peregrina etiam perorant monumenta. Ita enim procul Imperatoria sua virtus porrecta est: Ut in florentissimis Italiæ Mediceorum hortis, etiam

*- modò, Threycij, pulchrâ sub fronde, triumph
Marmoreâ pergat ponere bella manu.*

Ibi, inter secularia bellicæ fortitudinis miracula

Ac,

Fortis adhuc meminit bellacis dextera ferri.

*Ac, nisi captiuas vincirent marmora plantas,
Iret in hostiles libera dextra globos.*

Et sanè, supremus iam iste felicitatis Tuae gradus credi poterat: in quo, & deriuatâ à summi Viri Titulis celsitudine: & Tuarummet laudum excellentiâ, sublimior omnibus appareres, nisi, augustum hoc iter fuisset potius, ad amplissimum liberrimæ virtutis campum; vbi, post mariti simul, simul Matris soluta imperia, hoc demum Tibi liceret, quidquid superis libuisset. Breuissimi temporis coniunx, amifisti virum potius quàm habuisti, qui, postquam Patriæ, pro præliorum numero, victorias peperisset; dum Chocimensis belli initio, ampliorem orditur immortalitatem: Matrem Te fecit lacrymarum. O quantas, amicissimo huic funeri, doloris dedisti inferias! quibus Illustrissimi sponsi occasum prosecuta es tenebris! testor perennem anni totius vmbra; in qua, admirandâ solitudine ac luctu Manibus desideratissimis parentasti: vel ideo æternos promerita soles, quòd tunc mæreres in tenebris, quando plerumq; lacrymæ diem quærunt. Neq; aliud mihi egisse tunc videntur Cælites, quàm vt breui hoc aliquot mensiū connubio, æternus illis rubor nasceretur: quæ, solâ primi amoris obliuione, viduas se meminerunt: scilicet, non tam sollicitæ quid amiserint; quàm quid inuenire possint. Castigauit earum leuitatem Tua constantia, Princeps inclyta; cùm, Illustrissimum coniugem Tuum, adeò & viuum tenerè, & defunctum fortiter coluisti: vt dubium feceris, viuerenè ille ad hunc amorem, an mori ad hanc memoriam elegisset. Sarmaticam Te dicerem Arthemisiam ô Princeps; nisi, quòd hæc, epotis mariti cineribus, illud etiam extinxit quod rogos reliquerat:

B

Tuus

Tuus verò magis amor industrius, ad hoc pia Caroli seruabat ossa: nè saltem hæc sui parte sponfus deesset oculis, quem totum animo circumferres. Atq; hîc se iam augustus ille veræ Gloriæ Campus explicuit, quem tibi olim felicissimè decurrendum, cæli in Te liberalitas destinabat, à dolendo coniugis obitu, virtutum Tuarum immensitas, velut ruptis aggeribus, latè adeò exundauit, vt ad omne superum hominumque genus, heroicâ se se profusione porrexerit. Horrebat Schismatis in culti barbarie, vniuersa propè Volhinia; Tu Ostrogienſis Collegij opportunissimo beneficio, & mores ad vrbانيتatem, & ingenia ad sapientiam, & tenaces Patrij erroris animos, ad Romanæ veritatis lucem produxisti: egregio fanè gloriosi Tui nominis incremento. cui, ipso discendi scribendiq; vsu, innumeri sudabunt calami; ipsis disceptandi exercitationibus, infinitæ laborabunt voces; ipsâ legendi assiduitate, omnia illius Gymnasij perennabunt volumina. Squalebant tot oppida pagi; sine tēplis, templa sine aris, aræ sine Sacerdotibus; Tu singulari pietatis artificio, hîc nouas superis ædes excitari; ibi collapsas erigi; alibi iam erectas, frequentiori cultu cælitum, pretiosa supellectili, duraturisq; semper reditibus, consecrari, instrui, ditescere fecisti, eò digniorem cæteris habitura memoriam, quò sanctiorem: tot enim Tibi duraturæ sunt pyramides, quot altaria; quot diuorum ædes, tot Mausolæa. Abundabat deniq; indigentium fecunda semper calamitas, Tu eorum lacrymas solatio, inopiam ope, mala demum omnia, omni beneficentia exhausisti. quid enim nuptiales nobilium puellarum sumptus, honesta Neophytorum stipendia, continuas alumnorum educationes commemorem? attingi hæc omnia

omnia possunt, non numerari. Verè Asylum necessitatis alienæ fueras : nisi maximum ad Te aditum, optimus quisq; inuenisset. Hinc illa domûs Illustrissimæ, ex moribus Dominæ, id est ex virtutis lege, composita maiestas: hinc, inter ingentia pupillorum agmina, inter magnificos Ducalis famulitij ordines, sanctiori bonorum Collegio, quàm Aulæ forma similior, ipsa diuitis mensæ opulentia, ex pauperum conuictu; quotidiani vsq; sermonis, ex verborum sanctimonía; tota familiaris vitæ consuetudo, rarissima morum constiterat integritate. Ita porro, recentissimæ ætati nostræ Paulas veteres, cæteraq; illa in eodem sexu, Romani nominis, sanctiora prodigia reddidisti. Cuius verò auribus facile persuadebo, in tanta illa honorum excellentia; vix præsentium oculis creditam modestiæ submissionem? vilissimorum vulgi capitum frequens & suaue alloquium? prandentium mendicorum cænis, exhibita persæpe ministeria? adeòq; in maxima fortuna, nullum supercilium. Quis satis æstimabit, illius clementiæ miraculum dicam an exemplum? cum seruilis olim subditorum audacia, die medio, itinere publico, domi propè Tuæ, progredientem Te Dominam aggressa, hoc vnum in Te sceleratissimo parricidio vindicare voluit, quod in Patrem pia fueris. Et finiuiissent omnino cæptam immanitatem lugendâ catastrophe Schismaticæ belluæ; si non, intenti ad innocentiae defensionem Superi, & plurimorum fortunam, in Tui vnus capite, à supremo infortunio: & vindicanti se se hero-um potentiæ, in Tua clementia, exemplar, seruare statuiissent. Caruit successu, in ipsis capitibus præcisum scelus. ita tamen ad paucos, & parricidij poenam, & poenæ leuitatem extendisti : vt ipsa nefari-
orum

orum conscientia admirata sit : adeò Te vitâ dignâ fuisse, vt etiam indignissimorum vilissimo cruci pepercis. Iam illum in vniuersam Rempub : amorem Tuum, quæ pro merito extollet Gloria, Princeps gloriosissima ? Vindicatam ab inertibus schismaticorum quisquilijs, Surasij possessionē, ita nobilissimæ iuuentutis vsibus adscripsisti: vt omnis inde Patria fructum sit perceptura immortalem. iam inde ab infantia, crescent sumptibus Tuis, ad spem Poloni nominis nati animi; viuent alimentis Tuis, vitam olim regni propugnatura pectora; nutriunturq; Tuo pane sustentura olim Reipublicæ molem columnina. effecisti profectò, vt Mater Patriæ æternum audias; cum tot nobilium filijs ea fecisti, quæ omnes à parentibus, multi frustra, expectabant. quasi omnino Tibi curæ fuerit, veriùs quàm nescio cui Principum, ne quis expers beneficentiæ Tuæ fieret. maxima tantæ in Patriam liberalitatis commendatione, quòd illis hæc contuleris, pro quibus maximè necessitas perorabat. Placeat hinc addere heroicam mentem Tuam, ac, in viris etiam rarò spectandam, animi fortitudinem. Inuoluerat & Te rusticus turbo ille, cum toti Poloniae formidabilis, tum in primis ipsi Russiæ perniciosus. cessisti acerbæ necessitati; non vt Tibi diutius viueres: sed, nè Tuo beneficio viuentibus, tam citò morereris. Valedixisti amicis Penatibus, non eos amplius salutatura; egressa es, Auis atavisq; habitata domo, non iterum reditura; atque illa nuper tot Dominorum Princeps, nunc exul, nunc alieni tecti egens, patriam, lares, omnia deniq; Tua, præter sui similem animum, reliquisti. Assueta olim, miserorum angustias, non manu duntaxat prosequi, sed & lacrymis; cum solùm propè iam hoc alterum potui-

potuisti; non tamen id quæsta es, quòd Tibi multa habere: sed quòd afflictis, à Te accipere plurima, non liceret. Pergerem recensendo cætera, vel obscuro nomini ad splendorem posthumum suffectura; accenderem omnium oculis, inauditum in tam Illustri lumine zeli ardorem; dicerem, quòd rebellia Vaticano Capiti pectora, quæ oris obsequio, quæ manûs liberalitate, promptissimè restitueris; quot Diuino fonti admouendarum mentium rudicatem, solitâ rudimentorum enodatione expoliueris; quot deniq; saluberrimo consilio, ægrotis latenti crimine animis, expiandi remedia persuaseris; producerem inquam ad solem omnia Illustrissimæ vitæ decora, si hæc, à te gesta, eloqui possem facilius, quam à nobis amissa defflere. Dabo tamen tot virtutum Myriades Orbi in compendium, & verbo dicam: Ita Te, Heroinarum Illustrissima, ita Tua omnia veræ Gloriæ impendisti, vt virtutum Tuarum multitudini imputare debeas, si veritatis huius magnitudo maiorem sit admirationem habitura quàm fidem. Non crediderit tamen, vt libet, cui sua imbecillitas alienæ mensura est fortitudinis; mihi iterum certum est, securo fidenti; calamo profiteri, quod Orbis legat vniuersus: Quæ Tu, Princeps Optima, pro immortalis, id est, Diuina Gloria perfecisti; leguntur hæc forsitan in plurimis singula; vtinā vel in vno vniuersa. Et fecisses adhuc vixissesq; diutius, neq; oculis nostris hodiernus hic cinis esses & lacrymæ: si multorum vota potius, quàm Tui vnus merita, Cælestes animæ approbassent. Porrigebat semper cælo supplices pro Te manus, quisquis tunc primum inter miseros numerari cæpit, cum Tu inter homines desijisti. Orabant in Tuis annis suæ orbitati inducias, integri pupillorum

rum greges; &, à Matris obitu vitam flendo acturi,
vt vel nunquam, vel serò tandem occumberes, cum
lacrymis precabantur. Vniuersa demum Sarmatia,
tam procul Te ab hodierni funeris luctu abesse cu-
piebat, quàm ab immensis Tuæ Gloriæ titulis, cæ-
tera Heroinarum nomina abfuere. Sed, heu vana
semper hominum desideria, si quid sibi potius cæli
poscunt! ita omninò Princeps Illustrissima virtu-
tum numero vota omnium superaueras: vt, certan-
tibus de Te, hinc Poloniâ, inde polis: contra Tuc-
rum preces, pro ingentibus Tuis meritis, decretum
sit. Transcriptus igitur Astris magnus ille spiritus,
& par tantæ felicitati mens, gratulantibus sibi cælis
illata est. Nobis verò orbitate nostra attonitis, heu
tristes tantum habitatoris olim animi exuias: ossa
in quam, morte pallentia, & ex tam ingenti nomi-
ne, tam paruos cineres! doloris hæc dicam nostri so-
latia, an irritamenta lacrymarum boni superi reli-
quistis? heu! terrarum nomina, quàm humiles fa-
uillas pulueremq; expectatis! hoc maximè admi-
randa titulo, quòd, cum ad vltimam rerum lineam
ventum est, punctum vobis esse propè sufficit, imò
nihil! Atq; vtinam verò, vel ipsa hæc quantulacun-
que magnæ Heroinæ pignora ita spectaremus: vt
non illa etiam luctuosus hic dies ex oculis manibus-
que nostris eriperet! vtinam venerandi cineres
præsentem nobis semper ANNÆ ALOYSIÆ me-
moriam seruaretis! sed, en istud quoq; tam breue
mortis spoliū terra poscit! hiant ora potentis tu-
muli pretiosos clausura Manes; nec quidquam ali-
ud, post insignem adeò iacturam præter longos ge-
mitus, præter spiraturum semper desiderium, orbi
Polono relictura. Heu lachrymæ! heu verba lique-
scencia in singultus! Ergonè huius fossæ angustijs,
augu-

augustus ille tot seculorum sanguis, capietur? ergò
sub his tenebris, vniuersus Ostrogiani Sideris delite-
scet splendor! & sub tantillo terræ cumulo, tanta il-
la tot olim Illustrissimorum Ducum obruta iace-
bit maiestas! Ita sanè, Magni quondam in Ostrog
Principes, magni Duces, huc vsq; gloriosi nominis
vestri deducta est immensitas! Luxit orbi vniuerso,
per longa ætatum confinia Luna vestra; sed, proh
dolor! eniam hodiè, in luctuosa ANNA ALOYSIÆ
eclipsi, lucendi finem fecit. Cucurrit Augusto tra-
mite per Regios etiam tractus Equitis vestri gene-
rositas; sed ecce, in præsentì sepulchro, æternos iam
attigit limites, perpetuam inuenit metam! Adfu-
mus vniuersi supremæ necessitatis obsequium, &
supremum hunc thesaurum vestrum permistâ luctu
arenâ tumulamus. Nostris illam sepulchro damus
manibus, quam non moriturâ æternùm recordati-
one geremus in animis. O si omnis illa manus, quæ
à Tua olim dextera beneficium accepit, vnum sal-
tem terræ pupillum Tuo redderet monumento,
ANNA ALOYSIA! quàm ingens hîc cresceret Tu-
mulus! quàm admiranda posterorum seculis staret
moles! Non iam in rudi saxo aut leui pagina, Illu-
strissimum nomen Tuum obscurus quispiam stylus
exprimeret; sed inter suprema sidera posthumorum
oculis legereris. Quanquam hic etiam lapis, non
ita Te Orbi subtrahet secuturo, vt non etiam à lon-
gissimis, spectari cognosciq; possis. Quàm latè, aut
quàm diu, orientis occidentisq; solis limites, nostra
complexa fuerit Societas: Tuum Nomen, Tua in
nos Beneficia, Tuam deniq; mirabūtur Posterì
GLORIAM IMMORTALEM.

COronate, quod vnum superest, Cælestes
Animæ, Optimè de Vobis meritos, ingen-
tis Heroinæ Manes; quando illos Mitra Ducalis
iam non ambit. Communi mortalitatis exilio fel-
sum caput, tandem Æternæ (quæ Vestra est)
debeatur Quieti. Nequaquam excludetis He-
redem cælo patrio: quò iam olim è Maternæ
Linæ Maioribus Diuos præmisit Consangu-
neos. HYACINTHVM & STANISLAVM, par
Nobile Beatorum: Illum ODROVZIA, hunc
è stirpe KOSTKANA, vtrumq; suis moribus ac
virtute subnixum. Perge igitur Magnis itineri-
bus, non vno nomine cælis promissa & reddita
ALOYSIA. quanquam quid te hoc in curriculo
hortemur: quæ iam ad metas præoptatæ Æter-
nitatis (vt meritò creditur) constitisti. Illa ipsa
Tibi, celeritatem Calcaria persuaferunt, quæ
Tuæ teneritudinis oblita, Tuis persæpè artubus
admouisti. Tuo Tuiq; Cognominis ALOYSII
probatura exemplo: *Calcaria, etiam Currentibus adhiben-*
da esse in via, quæ tam grandis restaret omnibus. Quo autem
Tuo aut nostro potiùs euenire fato dicam, vt ne
supremas quidem à deuinctissima Tibi Societate
IESV Gratias, subitarias poenèq; extemporales reddi liceat. Opportu-
num id videlicet tuo accidit genio, Heroinarum modestissima, ne aut an-
xiè, aut diu, quæsitis præconijs Posthumos tibi Honores quæreremus.
Tanta hodieq; tibi in admittendis officijs parcitas, vt ea etiam, red-
hiberi tibi ægrè admodum patiaris, quæ à nobis citra ingrata
mentis piaculum dissimulari aut omitti haud possunt. Hinc
meritò subueniendum Tuis Vatribus, ne ea quoque parum
æquis accipias auribus, quæ ad busta indulgentis-
simæ Mæcenatis suæ, incompto vt par est
Dolore, lamentatur.

ODE I.

DVICALIS CIVITAS OSTROGIVM,
Deplangit Illustrissimæ Hæredis suæ, im-
maturum è rebus Humanis ex-
cessum.

Non semper acri bruma rigens gelu
Stringit tenaci, flumina compede,
Maiumue, formososq; Flora
Excidio populatur agros;
Nec cæca semper fulmineos tenent
Duella ventos; Aeoliam neq;
Semper, procellosis tremiscit
Dissidijs agitata Thetys:
Transmissa brumæ regna, tepentibus
Aprica reddunt iura Fauonijs,
Et incubans nido, furentes
Alcyone moderatur Euros:
Me dura belli perpetuis premit
Fortuna telis. Huc Niobes dolor,
Et triste marmor, huc perennes
Heliadum properate luctus.
Adhuc rebeli continuat dolor
Hiulca ferro vulnera; decolor
Adhuc peremptorum cruore,
Barbaricæ, queror ansa dextra.
Sed heu! doloris maius in intimis
Vulnus medullis figitur. Occidis
O lumen! ô Propago Regum!
Perpetuis memoranda Princeps
Fastis & annis. Gemma Wolhyniæ,
OSTROGIANI gloria Sanguinis,
Virtute prætergressa sexum,
Rossiacæ Pharos una terræ.
Eheu quot uno marmore contegis

Ceras Auorum! Gentis origines,
Tantilla, tot concludit urna!
Quot Tituli memoresq; TECVM
Fasces recumbunt! quot nitida iacent
Ducum Tiara! & Casarei decus
Insigne splendoris, Corona
Funereis tumultantur umbris!
Heres Anti CYNTHIA Stemmatis,
Semper Polono SIDVS amabile,
Fauensq; Calo, decolorem
In tenebras age verte frontem.
Non mutuati prodiga Luminis
Mutare lucem, discite CORNVA,
Nec Stella nativum corusci
Verticis eiaculetur aurum.
Sed quid querelis & gemitu lyra
Arata Nostri nubila sideris
Flemus? parentalesq; magna
Soluimus inferias Parenti?
Quippe insolenti qua pede succutit
Crasi columnas, & Procerum domos;
Nec non Tyrannorum superbit
E spolijs, Libitina victrix;
Pugnacis ira parcior, ardua
Heroïcarum pectora mentium
Impunè pertransit, nec ullum, è
Magnanimis statuit trophæum:

ODE II.

Religio Pietasq; in DEVM, ac Calites ILLVSTRISSIMÆ
PRINCIPIS.

Vnde percusso regemunt delubra dolore?
Aut vnde mœstis templa squalent nubibus?
Urna quidem vna jacet, sed tot morientia secum
Captiua ducit in sepulchrum pectora!

Fatorum

Factorum lex vna patet. Stat terminus vnus
 Omnibus, & omnes vnus expectat dies.
 Occidis exortum GENVS ALTO à sanguine Diuūm,
 Ostrogianæ lumen augustum MITRÆ!
 Comuni raperis letho: dignissima nunquam
 Subire nostræ debitas forti vices,
 Nec T V A T E Pietas, nec egeno æraria CHRISTO
 Patula; aut Olympo clausa nunquam dextera,
 Nec fidei sincerus Amor, nec Conscia castæ
 Religio menti, Mortis exemit manu.
 Occumbis Latix vulnus miserabile MATRI,
 Ruina nullis flenda dignè lacrymis.
 O benè quòd tetrico Diuūm penetralia vultu
 Mærent, & aras triste syrma circumit;
 Norunt munificæ pia vestigalia dextræ,
 Et erogatos indigo census DEO;
 Norunt, quot steterint magno Delubra paratu,
 Nec pænitando censuum dispendio.
 Hæ sunt Pyramides, hæ nostræ PRINCIPIS Alpes,
 Et hi Colossi celsiores Alpibus:
 His illa errantes Lunæ transgressa labores
 Patriamq; solis, & Planetarum vagas
 Præteruecta domos, æterno viuit in æuo
 Cæli voluptas, flebilis terræ dolor.

ODE III.

Munificentia ILLVSTRISSIMÆ Mæcenatis in
 literas earumq; cultores.

*Non sic rebellans clausit Apollinis
 Muto Gradinus labra silentio,
 Nec dira, sic OSTROGIANAS
 Bella minis pepulere Musas,
 Ut seminiuā non valeant suæ
 Vale supremum dicere barbitō,
 Et voce MATRI. Semiustum
 Rossiacæ pia turba Diuæ*

Proferte plectrum : cingite flebili
 Frontem cupresso, rumpite tristibus
 Pectus querelis, & Parenti
 Funereos geminate lessos ;
 Quam, dum paternis exul ab urbibus,
 Belli procellas vitat, & impios
 Martis furores, lachrymosi
 Vis rapuit violenta fati.
 At non auaris sola sororibus,
 Occumbis alto non sine vulnere,
 Sublimis Heröina ! Tecum
 Intereunt Tua cura, tristes
 Phæbi Camanæ. Proh ! inamabilis
 Mors, literata quot lucra Palladis
 Extinguis ! & quantos recondis
 Principe cum moriente census !
 Hac illa muto sub tumuli riget,
 (Vigoris expers) dextera marmore,
 Cuius palatino fauoris
 Munere, promicuere latas
 Musæ per vrbes : Vnde sibi novos
 Creuisse gaudet Lechia Tullios,
 Auresque captiuas trahentem
 Nestoris emicuisse palmam.
 Exinde natos tot sibi computat
 Maro nepotes : inde tuo pares
 Annæ miraris cothurnos,
 Et similes, Venusine, doctis,
 Lepos, lepores combibis auribus,
 Papinianis unde tot amula
 Plectris refloruere plectra,
 Et Lechicis sonuere terris.
 Vnde & iocosæ Bilbilici sales
 Rident cachinnis, & dociles probat
 Jam castiore Naso vultu
 Carminis ingenijquæ vires.
 At nunc cruenti vulnere prælii,
 Prostrata merces Palladis inclytæ

Occumbis ! hœu Vestris Heriles
 Funeribus præistis artes
 Funus Patronæ. Commoreris Tuæ
 Stagira MATRI, Cecropio potens
 Stagira Circo ; docta rerum,
 Ambiguas referare causas,
 Mitig, Falsum pellere pralio,
 Amore VERI. Vos quoq, Romula
 (Post fata Patronæ) refusum
 Noctibus occulistis amnem,
 Suade lepores ; occuluit suas
 Parnassus umbras, Tota Ducalibus
 Phæbiq, Musarumq, pridem,
 Agmina conticuere tectis.
 Silete castæ germina Palladis
 Silente vestrâ Præsede, tetrica
 In noctis urnâ, sola maestum
 Plectra, Lyra, citharæq, plorent.

O D E IV.

POESIS OSTROGIANA, ILLVSTRISSIMÆ
 Fundatrici Supremum Lyra tributum persoluit.

S Ic Te potentum Gloria Principum,
 Regumq, sanguis, sidera jam TVÆ
 Cognata suscepere Lunæ,
 Iam superæ TVVS inquilinam
 Te fecit aulæ Pegasus. Obuio
 Repensâ largæ munere dexteræ,
 Heram salutauere plausu
 Atria, stelligeræq, sedes:
 Quò post laborum tædia, nobile
 Heroas æuum suscipit. hæc vbi
 Æterna spectandas per astra,
 KOSTKA Cruces SOLEASq, fixit.
 Illic perennes inter Etesias
 Interque mirantum agmina Cælitum,

Insignis Heroïna, magnæ
 Iam relegis monumenta Vitæ.
 Me, seû remotis Phæbus ab Indijs
 Lucem reducet, seû in Ibericis
 Longo fatigatum labore
 Currum iterum reparabit vndis,
 In sauciato pectore conditi
 Luctus manebunt. Dum prope mænia
 Torrente natiuo, fugaces
 Vilia deproperabit vndas.
 Donec citatos præcipiti vehes
 Horine fluctus gurgitè; quamdiu
 Pinges perenni flore ripas,
 Flebo mei mala longa fati;
 Et mæsta vestris vorticibus pios
 Miscebo fletus. Vos quoq; flebiles
 Augere singultus, meilq;
 Luctibus accumulate luctus.

O D E V.

Munificentia ILLVSTRISSIMÆ Heröi-
næ, in egenos.

*Q*ualis per Meröen & Pharios agros,
 Nilus frugiferis labitur amnibus,
 Et septemgeminis cærulea domûs
 Dicit Thetydos ostijs.
 Talis munificæ flumine dextere
 Voluebare inopes per populi greges,
 Lux extrema tui sanguinis, aureo
 Gangis ditior alueo.
 Proh! quanti gemitus! quanta reciprocis
 Tumbam circumeunt agmina luctibus,
 Quot lamenta sonant! sicne tuos Pia
 Mater deseris Orphanos?
 Circumstat feretrum, turba simillima

Præ luctu feretro! vox gemit unica
Matrem: Mater eras; ab nimis inuida
Matrem reddite sidera.
At quæcunq; Tuam sidera lumine
Oblectant Animam; sêu rutilans tibi
Auroræ facies, sêu placet igneis
Velox Luna iugalibus;
Sêu consanguineo TE Pia distinet
Mens Kostæ alioquo, sêu lateri Come.
Materno graderis, sêu tibi debitas,
Emiraris adoreas,
Sêu formosa Poli tecta perambulans
Hæc quæ porrigitur semita lacteis
Intertexta notis, Rossica dulcibus
Narras funera Fratribus,
Inuictiq; legis prælia Coniugis,
Formidata nigro prælia Bosphoro,
Et quæsitam acie, non humili vides
Hospes lumine gloriam.
Huc è stelligera culmine Patria,
Princeps flecte oculos: irriguis ubi
Sanus plangit Heram fluctibus, & nouis
Pulsat littora questibus.
Dilectum gemino marmor ubi tegit
Fratrum depositum funere, & inclytis
Natorum Genitrix condita, tertium
Funus Manibus addidit.

ODE VI.

Clementia ILLVSTRISSIMÆ Ducis in
 S. K. B. D. I. T. O. S.

P Rincipum frustra vigil obseratis
 Excubat tectis Timor, & seверо
 Seruat armorum laqueata frustra
 Atria cinctu.

Ponat exstructos adamante muros;

Formet excisas Sypilo columnas;
Fulgidâ gemmis nequit esse Princeps

Tutus in aula,

Quem fugit longè niueus suorum
Ciuium candor, famulæq; circum
Et minæ stipant, & amara cæco

Ira furore.

Nouimus quantos cieat tumultus
Nereus, falsæ dominator vndæ,
Dum ferit sæuo sibi subiugata

Regna Tridente:

Nouimus, quantas vbi Phœbus ora
Nubibus textit, generet procellas,
Fulminum quanto tremat alta cœli

Aula boatu.

Ast vbi clausis Pater imperauit
Otium ventis, redeunt fugatæ
Et quies & Pax, & amica mœstis

Sidera nautis;

Mox vbi pulsus iterum reduxit
Ora Sol nimbis, recreatur Orbis,
Cærum ludit per inane leni

Aura cachinno.

Principes: pulchros simulate soles
Vultibus, mitem simulate pontum;
Non hyems, blando sed amœna regnet

Iris in ore.

Principum fidus, radiantq; gemma,
Te suam tali stupuere ciues

PRINCIPEM vultu, gemituq; & atro

Teste fatentur

Vestium luctu, sonuisse nullas
E TVÆ MITRÆ radijs procellas,
Aut ab innubi tonuisse rauca

Fulmina fronte.

Nec suâ tantùm TVA LVNA ROSSIS

Luce TE fecit radiasse terris,

Splendor æqualis tibi DVX sereno

Fulsit ab ore.

Erigant celsos alij Colossos,
Et peregrino monumenta saxo.
Te suam viuo Dominam reponent
Pectore ciues.

O D E VII.

MAGNIS MANIBVS ILLVSTRISSIMÆ
Heroinæ Sacrum.

Qua Templâ? vel quis Te Populus colet?
Auguste Regum sanguis, & ultimi
Propago CONSTANTINI, auitæ
Primus Honos, pretiumq; MITRÆ.
Si vasta tellus in Tumulum TIBI
Latè patenti cesserit ambitu,
Augustus Augusto DVCISSÆ
Orbis erit Cineri! Paterna
Laxate magnis Sidera Manibus
Equale tectum. Marmore se vetat
Æterna virtus claudi; ab ipso
Ad Superos reditura busto.
Non tota terris te tamen eripis
Tuis superstes laudibus. It tuum
Post fata non mortale Nomen
Per populos, per & ora Diuûm:
Dicere seris maxima sæculis
PRINCEPS, propinquum sideribus caput
Genusq; Diuum. Iam beatas
KOSTKA Tuns tibi pandit arces.
I scande nubes: linque solo MITRAM
Fatale pondus. Laureâ te manet
Æternitatis; quàm tot olim
Nominibus meruisse gaudes.
Quis magna iactet? subdita Casibus
Sunt alta magnis. Deijcit arduas

Procella cedros. vix, minores
 Sollicitat graue fulmen ornos.
 Quidquamne tandem, (grandia dum labant)
 Expers ruina est! una aliam trahit
 Factura stragem. Nil perennat
 Orbe diu. Peritura Nati
 Lapsa parentum mole superstruunt;
 Et quas auito sanguine laureas
 Spirabat immortale saxum,
 Tempus edax, & anara fama
 Truncant subactis fata ligonibus.
 Augusta Regum Nomina corruunt
 Nutante mundo. Immota ad omnes
 Vna stetit LVDOVICA casus:
 Cui non profano Gloria scripserat
 Pergrande Nomen marmore: nec rudi
 Commisit aut famam metallo,
 Aut facili moritura cera
 Impressit alti stemmata sanguinis;
 Sed quidquid ingens, OSTROGII Ducum
 Fortuna virtuti propinqua
 Contulerat, dedit ANNA Calo.

O D E VIII.

IN te supremas OSTROGII Ducum
 Miramur umbras, NEPTIS ô vltima
 OSTROGIANÆ stirpis! In TE
 Orba, Domûs decora alta mærent.
 Natale fidus, tristius adspici
 Iam LVNA pallet: jam morientia
 Conduntur, heû dolor! sepulchro
 Lumina, diffugiuntq; nostro
 Tam cara mundo. Siccine patrias
 Mutare terras, atq; aliam placet
 Intrare gentem? sic Polonum
 Est animus Viduare cælum?

Quis Te citatis passibus insequi
EQVES Ducalis sufficiat? Ruis
Festinus ad metas, paternam,
Cursibus anteuolans SAGITTAM!
Illi sed Vna est quæ tibi Gloriæ
Corona, voto compare tenditis:
Æqualis est merces vtrinq;
Quam meruit SOLEATA virtus.

ELOGIUM SEPVLCRALE.

ÆTERNITATI
ANNA ALOYSIA
DUCISSA INOSTROG
CHODKIEWICIA

PALATINA VILNENSIS

Extrema Ducalis Familiæ HÆRES.

HEROVM ACHEROIDVM

Filia & Neptis:

Paternam Ducalis Prosapiæ amplitudinem

Quà splendoribus Materni generis

Quà summis Affinitatum Consortijs,

Quà illustribus virtutum incrementis auxit.

E Tribus, natu minima SORORIBVS

Æquale dotalis GLORIÆ Honorarium accepit:

D V M

Et illæ magnis Bellatoribus cessere in consortes

ET ISTA
IOANNI CAROLO
CHODKIEVICIO

SVpremo Exercitûs Lithuanici Imperatori nupta
E Maritali armorum luce
Natalium claritudinem intendit.
Omnino, Sexum eminenti indole supergressa
Veteres majorum gentium Heroïnas æquauit.
Quidquid magnanimum in Iuditha,
Quidquid pudicum in Suzanna,
Quidquid Liberale in Pulcheria,
Quidquid Religiosum in Matildi,
Aut amauit aut suspexit Orbis;



7 D T O T V M
Honesto æmulationis ambitu ad se traxit.
Tam sui negligens Honoris quàm appetens Diuini;
Cui vel acriter tuendo, vel magnificè propagando,
Toto fortunarum apparatu impendit se se.
Erecto Ducali in vrbe Collegio Societatis,
Arcem oppugnando Schismati opportunè molita,
Ingens tam Catholicæ quàm publicæ rei momentum attulit.
Vel eo nomine, M A T E R P A T R I A E dicenda
Quod alendis formandisque in spem Reipub. Ciuibus
Ædem Sarmaticæ Nobilitati de suo locauit patrimonio.
Palatinum aulæ splendorem si desideras?
Integrum in ea Senatum reperisses!
Si Gynæcei sanctimoniam? præ illo Vestalem non optasses.
Animo aduersis inaccessio,
Egentium altricem se nunquam & nusquam oblita,
Vt fleret vbertim cum flentibus
Suos & illa oculos erudierat, alienæ calamitatis magisterio.
In publica ciuiliu armorum trepidatione
Solum & ipsa vertere coacta,
E Statu virilis constantiæ mouit nunquam!
Sic demum alias peregrinata in terras
Supremæ necessitatis fatum peregrè inuenit.
Palam edictura vniuersis
Neminem nisi ab exilio in patriam redire.

A. M. D. G.

Biblioteka Jagiellońska



stdr0016937

